

欽定四庫全書

子部

普濟方卷三百三十二



南京中医药大学图书馆版权所有

次定四庫全書

華漢才卷

有人訪疾

總論

問世之道莫先於醫論醫

明 周王朱楠 撰

難濟陰猶急何則婦人

七癥八瘕九痛十二帶

證狀惟原其理莫非血

不善調護內作七情外

次定四庫全書

普濟方

感六淫陰陽勞逸飲食生冷遂致榮衛不輸新陳干忤
輕則經濁淋露重則凝滯為癥瘕流溢穢惡痛害傷痼
以致所患不一所謂犯時微若秋毫感病重於山嶽是
也凡女子十四而天癸至天謂天真之氣降癸為壬癸
水名故云天癸而衝任脉主之衝任者血之海也月水
者經絡之餘也蓋婦人以血為本心主血肝行血榮衛
四體如環無端灌注百脉餘者為月候以時而行若水
溢自流不自知覺故纖疴不作而氣體充盛而有子矣

其有來多不斷或過期不來或未期而先來參錯不一而病生當其來時則上一日之前腰腹滿痛或頭疼作熱百節攣急甚於重患過此則發為虛熱自汗加以五心內熱遂為虛勞血少未涸燥氣乘肺則為咳嗽宿寒留滯血與氣搏則為腹痛敗血結塊時發寒熱則為癥瘕或風寒濕滯經血化為水流溢四肢為之血分脾不能制血與水并腹脹肌肉為之虛腫或衝任氣血內熱過度風邪冷熱之氣入於胞門穢液與血兼下冷則多

白熱則多赤冷熱不調赤白相半或為赤白帶下若衝
任經勞損經海動傷脾虛胃熱不能約制其血倏然暴
下故謂崩中漏下所下五色各應五臟五臟俱虛五色
併下以致眩暈煩悶嘔惡怔忡迷亂多忘發狂妄語小
便不禁是皆血之為病也復有生於嬌貴之家愛憎在
念而氣逆於中故氣逆一息不行血有一息不運則胸
腹脹痛眩暈嘔噦倦乏不勝自持飲食不為肌膚致成
重患治療之際調氣為上調經次之斯可為定法 血

氣和平陰陽調順則精血聚而胞胎成胞胎已成而心
腎二脉其動也應手而疾盖心之所主者血腎之所主
者精精血交併而成之精勝則為男血勝則為女此亦
自然之理也 血氣不調陰陽慙伏陰過於陽則經脉先
期而來陽過於陰則經脉後期而至盖血脈得熱則宣
流得寒則凝澁陰氣乘陽內寒血澁故其來乍少陽氣
勝陰血熱流散故其來乍多過不及皆致病也 經脉
不行其候有二一則血氣盛實經脉遏閉其脉滑實見

之當通經疎利一則風冷內傷七情內賊以致經絡痺滯其脉浮濇見之解散風冷去瘀生新經絡不行此諸病之所由住也 夫婦人乃衆陰所集常與溫居貴乎血盛氣衰血盛氣衰是謂從從則百病不生血衰氣盛是謂逆逆則災害至且婦人嗜慾多於丈夫生病倍於男子及病也比男子十倍難療尤不可不攻若四時節氣喜怒憂思飲食房勞為患者與丈夫同也 夫人將攝順理則血氣調和風寒暑濕不能為害若勞傷血氣

則風寒乘虛而干之或客之於經絡或循入於腹中內受風邪脾胃虛弱故不能消其飲食也食既不充榮衛凝澁肌膚黃燥而不光澤若大腸氣虛則變為下痢若流入關元致絕子嗣隨其所傷而變成疾醫經曰凡婦人三十六種病皆由子臟冷熱勞損而挾帶下起於胞內是故衝任之脉為十二經之會海婦人之病皆見手少陰太陽之經而候之 內經云百病皆生於氣經有所謂七氣有所謂九氣喜怒憂懼悲恐驚者七氣也七

情之外益之以寒熱二證而為九氣也氣之為病男子
婦人皆有之惟婦人血氣為患尤甚蓋人身血隨氣行
氣已壅滯則血與氣併或月事不調心腹作痛或月事
將行預行作痛或月事已行淋瀝不斷心腹作痛或循
腰脇或引背脊上下攻刺吐逆不食甚則手足搐搦狀
類驚癇或作寒熱或為癥瘕股肉消瘦非特不能受孕
久而不治轉而為瘵疾者多矣 婦人室女有生平無
病者一旦忽感手足搐搦之證痰涎壅塞精神昏憤不

省人事往往醫者便作癇證治之非也殊不知婦室以肝氣為主蓋肝乃血之府庫肝既受病經候愆期或多或少或閉斷不通肺宮堙塞隨其虛實而生病焉婦人多由血氣虛七情所感而生風女子血實七情所感而生熱邪乘四肢是以率然手足搐搦狀類癇證也治療之法先宜多進蘇合香丸溫酒化服以快其氣候其生醒亟亟調經調經之法塞者通之通者調之虛者與之實者收之婦人宜服白薇丸女子宜服澤蘭丸多服以

病退為期也 有此陰陽有此血氣氣陽也血陰也
男以陽為主則陽勝乎陰女以陰為主則陰勝乎陽氣
血之為病男女則同耳人皆知百病生於氣又孰知血
為百病之胎乎血猶水也水行乎地中百川理則無壅
遏之患矣人之血脉或凝滯於經絡腸胃之間百病由
此而根矣乍寒乍熱發黃發狂譏妄驚狂煩悶嘔惡癡
痰自汗關熱虛勞尿淋漏崩吐血衄咳唾以致眩暈厥冷
昏憤迷忘塊痛瘀疼起止遺溺凡此數證非血而何經

所謂先去其血然後調之良有以也夫血得寒則閉澀
得溫則宣流榮氣虛竭風冷交侵固易為虛勞月閉之
證其若出血等類大抵多因畜熱治之榮道亦開鮮血
亦為之不禁矣川芎當歸血中上藥也出血諸證每每
以胃藥收功蓋心主血肝藏血胃者又所以生其血而
能使其氣歸元故其血自止經不云乎血隨氣行氣逆
則血逆於此尤當加意 素問曰目得血而能視耳得
血而能聽指得血而能攝掌得血而能握足得血而能

步臟得血而能液腑得血而能氣夫血既通流則氣亦至也氣先行于其中血自通利而機無不應矣故素問云氣血人之神也不可不謹調護而婦人以血臟為基本夫婦人之病手太陽手少陰小腸心之經絡為表裏起自衝任之脉於中極之下以上毛際循腹裏關元上至咽喉復循面目過帶脉環臍而止以婦人月水一月一來如期謂之月信期不來則風熱傷於經絡故血在內不通或內受邪熱脾胃虛損不能飲食食既不充

榮衛凝滯肌膚黃燥面不光澤或大腸虛變為下痢流入關元致絕子嗣而子臟冷虛勞損而疾帶下起於胞內夫帶下之造化但分經絡標本殊異為病之本氣也其病所發正在過本脉之分而淋瀝以下故曰帶下也赤白之色亦無定也 曰頭目昏眩口苦舌乾咽嗑不利小便赤色大小便澀滯脉實而數者皆熱證也凡白帶下者亦皆有之為病寒素問亢則害承迺制謂亢過極而反兼已勝之化制其甚也則如火煉金熱極

則反化為水及六月熱極則物反出液而濕潤材木流
津故肝熱極則出泣心熱甚則出汗脾熱甚則出涎肺
熱甚則出涕腎熱甚則出唾大凡俗類以火煮湯熱極
則沸溢及熱氣薰蒸於物而生津液也故下部任脉濕
熱甚者津液湧而溢已為帶下見俗醫白帶下者但依
方論而用辛熱之藥雖有誤中致令鬱熱氣不能宣通
舊病轉加世傳誤之久矣寡婦之病自古未有言者惟
倉公傳於褚證略而論之言寡婦者孟子正謂無夫曰

寡是也如師尼喪夫之婦獨陰無陽欲男子而不可得
是以懨懨成病也易曰天地絪縕萬物化醇男女媾精
萬物化生孤陰獨陽可乎夫既處閨門慾心萌而不遂
陰陽交爭乍寒乍熱有類瘡疾久則為癆又有經閉白
淫痰逆頭風膈氣痞悶面黧瘦瘠等證皆寡婦之病診
其脉獨肝脉弦出寸口而上魚際究其脉原其疾皆血
盛而得經云男子精盛則思室女子血盛則懷胎觀其
精血思過半矣 婦人血海挾受風邪不換金正氣散加

川芎官桂主之以至眩暈煩悶嘔惡怔忡迷亂多至忽發狂妄語小便不禁此婦人以血受病最多而血之為病遇夜愈增劇也血屬陰陰虛則爭 濟生拔萃云婦

人童幼至天癸未行之脉皆屬少陰天癸既行皆從厥陰論之天癸已絕乃屬太陰經也治胎產之病從厥陰無犯胃氣及上三焦為之三禁不可汗不可下不可利小便發汗者同傷寒下早之證利大便則脉數而已動脾利小便則內忘津液謂中枯燥製藥之法能不犯三